

Hey...ta Pasco Vol. 3 ta wordo lanza awe

Den fin di siman SHWBLK tabata combersando cu Edjean Semeleer cu tabata compaña pa su famia completo y a duna nos di conoce cu e produccion cu tur hende ta spera riba dje esta Hey...ta Pasco Vol III a keda cla ayera nochi lat.

Edjean Semeleer y su amigonan artista cu el a invita un biaha mas lo briya un biaha mas riba e produccion nobo aki cu ta titula manera tur hende sa di dje caba esta Hey...ta Pasco III.

Despues di basta dolor di cabez y cu hopi pasenshi pa loke nan a ensambla aki mes na Aruba como tambe na Venezuela por bisa cu un biaha mas nos lo tin un hoyo di CD cu awe lo batiza esaki n'e parti pa tras di e convention center den aire liber.

Y despues di e acto ceremonial e produccion complete aki lo ta disponibel pa henter e comunidad local y claro pa nos Arubianona residencia na Hulanda y otro parti mundo tambe.

Un coleccion di temanan di Pasco cu ta inclui temanan clasico y claro cu temanan nobo cu lo laga'bo sinti e spirito di Pasco di berdad sin laga'fo e alegria di fin di aña.

SHWBLK a pasa scucha kico Edjean ta preparando den studio y di berdad e pasenshi, trabao, esfuezo y definicion ta wordo refleha den tur e grabacion pa cual bo ta sinti esaki ya caba den su tema promocional cu ya caba ta sonando na tur stacion di radio cu ta 'E bus di Alegria'....

Mester meniona si cu den e elenco cu ta figura riba e CD aki tin un voz femenino cu tabatin basta tempo for di musica, pero esaki nos ta laga pa awe na e patio patras di conference center....

Edjean riba su produccion no solo tin un tremendo combinacion di artista, pero tambe un gama amplio di combinacion di temanan.

Awe Renaissance Festival Area manera ta wordo yama entre 7'or pa 11'or di anochi bin presencia e bautizo y lanzamiento official di e hoyo di pasco 2005 'Hey...ta Pasco Vol. 3'..!

